


沈乃文 主編

明別集叢刊 第五輯

第七十八冊

黃山書社





國家出版基金項目
NATIONAL PUBLISHING FOUNDATION


「十二·五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第七十八冊

黃山書社



(明)申佳胤 著

申端愍公文集一卷詩集八卷年譜一卷

清康熙刻道光二十三年補刻本

道光癸卯重補鐫

申端慤公詩文集

史籍集

申端愍公文集目錄

國史申端愍公傳

詳陳先著第一議

詳陳先著第二議

詳陳先著第三議

詳陳先著第四議

陳母節疏

挑外河疏

申端愍公文集目錄

記

新建廣濟閘碑記

臨洛驛馬政記

承濟菴田記

傳

侯生傳

序

修永年縣志序

讀史摘要序

鄭儀之制序

和丸齋新秩自序

孔氏家志後序

行狀

贈文林郎杞縣先考阜岩府君行狀

雜著

申氏家譜跋

申端愍公文集目錄

按先端愍古文當不止此無奈世遠年湮

子孫衰微手澤散失罔有存者僅于故紙

親串中搜此十餘篇抄訂成冊雖非全豹

卽此亦可想見忠烈之面目云

附載外集

申端愍公傳

華亭 陳子龍 給事

書端愍公傳後

常熟 歸 莊

申端愍公墓志

蘇門 孫奇逢 徵君

申端愍公行狀

雞澤殷岳

端愍公年譜畧

先臯盟公

儀封縣邑侯申公崇祀名宦記

闕

杞縣邑侯申公崇祀名宦錄

公呈

杞縣重修祠堂疏

公疏

杞縣重建邑侯申端愍公祠堂碑

杞人丁敬僉事

申邑侯鼎築堅城贊

有引杞人侯邦定

申侯城杞圖贊跋

中牟張民表高士

申端愍公文集目錄

三

申濬源父母考績序

杞人劉理順中允

申濬源父母入覲序

劉理順

申濬源父母雍正八景序

劉理順

杞邑創修縣城碑記

劉理順

賀申父母奏績詩

劉理順

送申素園父母補南學博詩

劉理順

明史申端愍公傳

申佳允字孔嘉永年人崇禎四年進士授儀封知縣縣故多盜允嚴保甲法盜無所容澤雨河決畿舟怒濤中塞其口摘大猾寘之法以才調杞縣八年賊掃地王率萬人來攻城土垣多圯允募死士擊走賊因饒其城唐王聿鍵勤王將抵開封諸大吏惴恐集議曰留之不聽行守土者且得罪允曰惟周王可留之眾稱善用其計治行卓異擢吏部

自端愍公傳

文選主事上備邊五策進考功員外郎佐京察大學士薛國觀傾少詹事文安之安之佳允座主也事連佳允左遷南京國子博士久之遷大理評事進太僕丞閱馬近畿聞李自成破居庸歎曰京師不守矣君父有難焉逃虎馳入都遍謁大臣為畫戰守策皆不省貽子涵光等書曰行己曰義順數日命義不可背也命不可違也天下事莫不壞于貪生而畏死死于疾死于利死于刑死于房幃死

于戰鬪均死也死數者不死君父蓋亦不善用死矣今日之事君父之事死義也猶命也我則行之京師陷冠帶辭母策馬至王恭厥從者請易服以避賊佳允曰吾起微賤食祿十三年國事至此敢愛死乎兩僕環守不去紹之曰吾不死也將擇善地焉下馬旁見灌畦巨井急躍入僕號呼欲出之佳允亦呼曰告太安人有子作忠臣勿過傷也遂死年四十二贈太僕少卿諡節愍 本朝賜諡

申端愍公傳

二

端愍

申端愍公文集

廣平申佳胤孔嘉父著

奏議

詳陳先著第一議

吏部文選清吏司主事 臣 申佳胤

奏為詳陳先著第一議事 臣 疏陳辦賊有急著

有勝著有先著而此時最急無如用人先著即急著也制勝惟在儲將先著即勝著也其

申端公公文集

三

一日以諮訪銓司之法諮訪樞屬請詳其議按吏部司官缺出本部發諮訪單于九卿科道公舉中行推知才品卓越者繳單到部再加確覈開列正陪恭候

欽點蓋不啻其難其慎務得真才而用之也兵部四司官銓除之法何獨不然 臣 願

皇上勅下該部自今以往宜照 臣 部司官例畿北一人畿南一人江北一人江南一人山東等

十三省各一二人每遇缺出該部發單諮訪
令九卿科道公舉其雄才大畧曉暢兵機或
敷歷邊方或曾辦虜寇英敏甲科功績顯著
者繳單兵部移會臣部列名上

請異日開府建牙皆從此出英才濟濟何事旁求
臣所謂預儲節鉞之選者此也伏乞
皇上勅部議覆施行

詳陳先著第二議

吏部文選清吏司主事申佳胤

奏為詳陳先著第二議事臣疏陳先著第二款

曰以薦舉邊才之法薦舉將才請詳其議前
者廷臣薦舉邊才累牘連篇滿紙誇詡若人
人韓范在在孫吳也及敵至茫然致興乏才
之嘆臣謂文吏作邊才畢竟非衝鋒陷陣之
料也禦敵之事全在得將將將之要全在選

才臣願

皇上勅下廷臣宜炤薦舉邊才例各舉將才或同
桑梓或係宦遊或得之傳聞或得之目見各
舉武弁中之膽畧超羣伎勇絕倫者彙送兵
部堂上官同職方司兵科給事中公同確覈
不堪者卽行糾駁以應禦侮之需以備登壇
之選異日邊疆有警卽可按冊而求較之白
面書生空談兵事者不判若霄壤哉臣所謂

專責衝鋒之效者此也伏乞

皇上勅部議覆施行

申端愍公文集

六

詳陳先著第三議

吏部文選清吏司主事申佳胤

奏爲詳陳先著第三議事臣疏陳先著第三款

曰以保舉守令之法保舉守把請詳其議按

保舉守令之法臣部已奉行矣近日奉

旨裁置募練裁通判置守備裁州判主簿置把總

有一番更置定有一番功效但守把之官專

司練兵豈容市井無賴之人聊以充數乎臣

申端愍公文集

七

願

皇上勅下兵部宜炤保舉守令例令各將領各舉

所知不拘資格不拘廢弁或精于火器或熟

于騎射或驍勇善戰或足智曉兵某堪守備

某堪把總各舉一二人即將實蹟開款彙送

兵部堂上官同職方武選司官公同考驗果

堪實用者請

旨填補不堪者卽行駁回仍連坐舉主兵科都給

事中年終舉劾以示勸懲將見免置之彥盡
入網羅臣所謂用備干城之求者此也伏乞
皇上勅部議覆施行

申端愍公文集

八

詳陳先著第四議

吏部文選清吏司主事申佳胤

奏為詳陳先著第四議事臣疏陳先著第四款

日以甄別京堂之法甄別大將請詳其議按
臣部甄別京堂再三推獻方得

俞旨今日之大將何獨不然夫所謂大將者必其
智勇兼全韜鈴夙具遇寇即能摧鋒遇敵即
能勇戰為三軍表率為萬里長城為九邊保

申端愍公文集

九

障者也若今之遇敵惟怯不畏法而畏賊不
敢死而怕死莫得其一弓半矢之用此以之
為軍卒且不足又何以當專閫之寄乎臣願
皇上勅下兵科會同兵部宜炤甄別京堂例逐一
推獻斷絕情緣力為擔任將邊腹各總鎮列
其實績悉其生平堪任者留之不堪任者去
之分別之中寓鼓舞之意臣所謂精提遴汰
之衡者此也伏乞

皇上勅部議覆施行

申端愍公文集

十

○陳母節疏

吏部文選清吏司主事申佳胤

奏爲臣母苦節堪憐臣衷久鬱未展謹憑血控

陳懇乞

聖鑒廣孝治之仁宏錫類之教特

賜旌表以章婦節以慰子情事臣祖籍永年傳家

清白綿延十世俱列衣冠獨臣父化早年失

怙壯志未酬孤苦伶仃終身困阨年逾六十

申端愍公文集

十一

尙未有嗣至六十四歲始生臣越六年臣父

見背時臣母軒氏年甫二十八歲耳隨臣嫡

母邢氏撫膺長號相對嗚咽絕而復甦者再

同心砥節顧復遺孤四壁蕭然篝燈互照臣

年九歲始入鄉塾從師受書閱八年臣嫡母

邢氏又見背隻影相依艱苦倍至臣母以紡

織課臣誦讀晡暑寒宵呬唔不輟杼聲四徹

聞者唏噓臣守嫡母制十九歲服闋入邑庠

明秋旋舉于鄉下第十年公車四上至三十
歲始成進士三十年來臣毋荆筭疏布茹藥
飲冰風雨晦明淚繼以血其生臣鞠臣者母
以代父其誨臣督臣者又以母兼師矣礪冰
霜之節矢松柏之盟蓋和丸嘗膽不知歷過
幾許酸辛此臣所以中夜刺心翹首叩
天而無從也辛未釋褐彼時卽擬具疏上

陳臣母聞之力爲戒止曰守節婦人分內事耳

申端愍公文集

七

汝未服官一日遽爲陳乞貽我心以不安非
孝也汝果能黽勉作令無愧先人清白之遺
異日幸邀

封典榮及所生爾時再爲上請亦未爲晚迨臣
筮仕中州與河災寇患相終始萬死一生風
波歷盡中間省刑清獄潔已愛民臣母無刻
不舉以相訓誡于甲戌年考滿乙亥夏仰荷

聖恩贈臣父化文林郎如臣官臣嫡母邢氏孺人

封臣母軒氏太孺人聞

命之時闔家感泣荏苒七年俸滿載考

皇上不以臣爲不肖

欽點銓曹去年十月迎臣母至京承歡菽水而臣

母又因水土不服抱疴而歸臣思親念切夢

繞慈闈近有僕自里中來臣急詢臣母近狀

僕述臣母形容漸瘦飲食漸減思臣之心視

臣更切臣聞此語憂心如焚寸腸欲斷又以

申端愍公文集

七

入署未久

功令方新未敢遽乞假歸烏烏私情另疏呼籲

因思臣母一生苦節不于此時披瀝于

君父之前更將何待乎伏讀

大明會典一款凡民間寡婦三十歲以前夫亡守

志五十歲以後不改節者許令旌表欽此臣

母守節三十餘年揆之

典例實爲膺合伏乞

皇上特賜旌揚容臣自備建坊表厥宅理不獨臣

母子憑籍

寵榮凡天下之爲寡婦孤兒者皆激勸奮誦

皇上于億萬年矣臣冒昧控陳不勝悚息待

命之至

申端愍公文集

拓

挑外河疏

吏部考功清吏司署員外郎事主事臣申佳

胤

奏爲守城先守關議築尤當議鑿謹陳臣郡綱

繆之策仰祈

天語申飭刻期舉行以作士紳急公之氣以壯金

湯永賴之基事臣家廣平府永年縣幅員雖

小實爲畿南要害之區日者孤城無恙固賴

申端愍公文集

去

守令諸臣捍禦之力實恃環城一帶水爲之

擁衛也城南五里許有滏陽河一道發源于

磁州遶邯洺而下昔年守土者引之以護城

垣汪洋浩瀚實亦奇觀關廂以外則坦然陸

地矣比來民力以竭此時而議創築重城物

力難繼惟有因水之勢而挑濬之不傷財不

勞民庶幾事半而功倍耳臣令杞時倣舊令

宋攻浚池之法不煩里甲一人鼓勵鄉紳合

力共舉至今人猶稱善臣邑地狹民貧饑饉
游至斯時休養而安集之猶恐其饑寒迫而
流徙之念生卽此浚池一事宜如宋致與臣
治杞之法行之斷不可派之民間又增一害
也城以內計見任鄉紳若而人在籍鄉紳若
而人殷實舉監宦裔若而人每人名下田若
千每田一頃應挑若干丈務極濶深宛成天
塹按畝認工勒期課竣至若卑糞下戶盡行

申端愍公文集

廿五

豁免焉而此鄉紳舉監人等誰無父母妻子
誰無身家性命知必慷慨樂趨決不忍隔膜
坐視也關廂以外大堤以內亦如近垣水勢
一望無涯異日卽有他虞附城屹然可恃關
存而城益固鑿深而築益崇矣目今凶歲民
饑借此僱工一節仰而待哺于素封之家寓
賑濟之意于力役之中利在一時况近堤之
地不比膏腴皆斥鹵不便耕種者漸開之以

魚芟葭蒲之獲利又在後世自衛之計人有
同心未雨之圖刻難緩待臣雖至愚極陋願
與桑梓諸臣交勗之也至于固圉保民之策
何以有堅無瑕輯兵和衆之方何以有備無
患是在撫按有司加之意耳又不但臣郡一
塊土浚池一段事也統祈
皇上亟諭施行臣無任悚息待
命之至

申端愍公文集

廿六